

Guangjsih Minzcuz Bau

ganhhau: CN45-0036 B.2015 Nd.2 Ng.11 liggaeuq gyapngux nienz ndwenlab ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3161期

Swcigih Minzyijveij Dingh Ndei Bineix Guh Bet Aen Hanghmoeg Hong Vah Saw Minzcuz

自治区民语委确定 2015 年八大民语工作项目

Geij ngoenz gonq, Swcigih Minzyijveij Vangjan goenghai 《Aen Biuj Swcigih Minzyijveij Bineix Guh Hanghmoeg Hong Vah Saw Minzcuz》, dingh ndei bineix guh 10 aen hanghmoeg, moix aen hanghmoeg faenbied lied ok mingzdaeuz, neiyungz, boux lingjdauj cawjguenj, aen cusiz guhdaeuz, bouxfucwz nem seiz guh sat. Ndawde miz 8 aen hanghmoeg gvendaengz hong vah saw saujsu minzcuz. Gij hanghmoeg neix baugvat gyavaiq doidoengh hawj hong vah saw minzcuz ndaej sij haeuj ndaw faplwd bae, diucaz gij vah saujsu minzcuz vnz yungh yied daeuj yied noix, laeb aen sugigu miz sing gvendaengz vah saujsu minzcuz, fanhoiz nem okbanj gij saw Cuengh

Gun caemh miz, youq daengx gih doidoengh hong fanhoiz loegguh nem book gij cezmuz gvangjbo yingjsi vah minzcuz, bauj gij gienzleih vnz saujsu minzcuz aeu vah saw minzcuz ciepsouh gyauyuz, gyagiengz hong senhconz vah saw minzcuz, gyarengz guh ndei Swcigih Minzyijveij Vangjan nem hong siusik. Gij neiyungz ndaw hanghmoeg neix cujyau miz diuyenz, lwncong, yenzgiu, sijok 《Gvangjsih Aen Gunghcoz Diuzli Gvendaengz Hong Vah Saw Saujsu Minzcuz》; caz gij vah saujsu minzcuz vnz yungh yied daeuj yied noix, soucomz, cingjleix, faencek, bingzgyaq gij gvidingh daj 《Sawcuengh Fangh'an》 fatboub daeuj hengz ndaej baenzlawz yiengh;

bien 《Bonj Gveihfan Sawcuengh》 nem coih ndei 《Sawloih Sawcuengh》 (banj daihngeih); cingjleix, comz bien, okbanj bonj sawson gvendaengz 20-25 geiz “Vahcuengh Sawcuengh gvangjbo yozya”, yenzgiu baenzlawz hawj gij gezgoj Vahcuengh Sawcuengh Suijbingz Gaujsi ndaej wngqyung; gawjbanh beizyibanh hawj vnz ndawbiengz hag Sawcuengh; youq gij meizdij daeuz de senhconz hong vah saw minzcuz; baengh cietgingq minzcuz senhconz gij faplwd fazgeih vah saw minzcuz nem gij cingzckik hong vah saw minzcuz; youq Minzyijveij Vangjan hai aen lanzmuz “youq gwnz vangj hag Vahcuengh Sawcuengh” daengj.

(ciuq Swcigih Minzyijveij Vangj)

Fwenvuengz Bouxcuengh Eu Fwen Hawj Boux Hai Ci Naengh Ci Geiq Ancienz Haeujsim

壮族歌王唱平安山歌送旅客出行



“Cinhyin ngoenzneix heij, daihgva geiq bingzonj, daengq beixnuengx youq gonq, ndaej sim' onj gvaq-cienq.” 2 nyied 4 hauh, youq Liujcouh, boux fwenvuengz Bouxcuengh, bouxswnj-cienz fwen Luz Lenzfangh, aeu fwen daengq gyauhdung ancienz. Ngoenzde banhaet, Liujcouh Dezlu Gungh'anhu minzgingj, dawz gij cihis ancienz de bien baenz fwen ngaih rox, cingj dangdieg 3 boux fwenvuengz daeuj dawz “fwen bingzonj” ciengq haeuj hojcehcan, haeuj ndaw ci. Ndaw doz dwg dangdieg boux fwenvuengz Bouxcuengh cingq youq ndaw ci eu fwen bingzonj.

(Linz Yinh/林馨)

Duh'anh: Hawj Vunz Saujsu Minzcuz Gvaq Vwnzva Swnghhoz Lai Ndei

都安:提升少数民族聚居区群众精神文化生活

Bi' gvaq, Duh'anh Yauzcuz Swciyen gungh guh sat hong cang sezbei hawj 3485 ranz nungzhoh ndaej souyawj densi, coih ndei 437 aen gih ciep sinhau; roengz lajmbanj cuengq 2922 ciengz denyingj gojgaeq, 1540 ciengz denyingj gohyoz gyauyuz, boux-

yawj miz 67 vunzbaez; laebbanh gij vwnzyidui ndawbiengz 85 aen, miz 3000 lai boux duiyenz, haeuj cunh mbanj, gihgvanh nem yozyau yienjok 410 ciengz, bouxyawj miz 62 fanh vunzbaez; guh ranzaw nungzyah moq 8 aen, gveihfan ranzaw nungzyah

99 aen; daengx yienh laeb miz 19 aen vwnzvaca (moix aen cungj miz 400 bingzfanghmij), cunh vwnzva cungsim 29 aen, neix hawj vnz saujsu minzcuz dangdieg ndaej gvaq vwnzva swnghhoz lai ndei.

(Lanz Fuzgvanh/蓝福宽)

SIUSIK DINJ

简讯

● 1 nyied 26 hauh daengz 28 hauh, Gvangjsih Ginhvanh Denswj Yinhsieng Cuzbanjse 7 boux ingjsiengq daengz Lingzyinz Yen ingjuh giluzben 《Bouxcuengh》. Ciuq cam rox, baez neix aeu doenggvaq ingjuh gij lizsij vwnzva Bouxcuengh gyaeraez, lwnh-gangj vwnzva daegsaek dieg Bouxcuengh, baijok lizsij vwnzva noengzna Bouxcuengh gih raeuz.

(Vangz Yenzjungz)

● Geij ngoenz gonq, Lungzswng Gak Cuz Swciyen cienmonz guh sam ndwen hozdung bangcoengh vnz gvaq seizdoeng, daengz dangqna, aen yienh neix gungh baij 50 vunzbaez, 30 lai baez ci, bangcoengh 37 vunzbaez, fat doenghyiengh dingnit nem gijgwn 40 lai faenh, mizyauq dwk hawj bouxlouzlangh onjsim gvaq seizdoeng.

(Veiz Gizyangz Dwng Siuhbingz)

● Bi' gvaq, Yungzsuij Myauzcuz Swciyen 80 aen giyez sinhcingj ndaej minzcuz mouyi daigvanj 3.12 ik maenz, ndaej boujdiep leihsik 735 fanh maenz, doengzbeij gyalai 208.8%. Hengz aen youhvei cwngecwz neix, gig ndei dwk hawj gij minzcuz mouyi giyez aen yienh neix ndaej fazcanj.

(Huz Gozcenz Lanz Genmingz)

● Bi' gvaq, Lozcwngz Mulaujcuz Swciyen roengz 6980 fanh maenz, fat gij cienzngaenz bauj ndaej gvaq saedceij cieq daemq de hawj doenghboux gungzhoj ndawsingz lajmbanj, gij suijsingz saedceij gyoengqde daemq gvaq baujcaeng, neix couh gig ndei dwk bauj vunzlai gwn imq daenj raeuz.

(Veiz Yuzdai)

● Geij ngoenz gonq, gih raeuz 2015 nienz daengx gih vwnzva gunghcoz veiyi ok siusik, Dahcojgyangh vehdat Byaraiz vwnzva gingigvanh dwg aen hanghmoeg dog gaenq ndaej dinghguh 2016 nienz guek raeuz sinhbau seiqgyaiq vwnzva yizcanj.

(Lungz Yenyinh)

Daengq Beixnuengx

小启

Aenvih ndwencieng cuengq-gyaj, geiz bauqceij 18 hauh mbouj ok lo. Goenghoh gyoengq beixnuengx ndwencieng angqyangz vuenyungz! Ndang rengz hong swnh!